



Vom König Alexander

**G**ode herre an angenge got.  
Gewaltich künich sabaoch.  
Immer vñ ewich din gebot  
vor aller eugelicher not.  
Din christenheit be hit.  
Durch alle dine gut.  
Vber alle durch hast du gewalt.  
Dine wnder du sint manichvalt.  
Wie vil ir ist der werlt kunt.  
Noch enwart nie so wiser munt.  
Der da zu vollen tugen  
Daz er si halp ge zeln mugē.  
Waz ir die wisen haben v̄ rēhen.  
Daz ir von dimer helke geschehen.  
Waz ysaias ic gesprach  
Wilt hat von dir im des v̄ rēch.  
Her theremias hat es mit v̄oagt  
En hab auch ein teil gesagt.  
Her dauid hat ir vil geseit.  
Des half din rein gotheit.  
Auch hat der wise salemon  
vil gesprochen do von.  
Her daniel dez nit vergaz.  
Er kunder vns etelwaz.  
In dez pphete man ist.  
Gnwnder daz geschriben ist  
Di andern wil ich nu v̄dagen.  
Vñ wil eu von dem einen sagen  
Er hat gewillaget also.  
Es kumt ein stier von aquilo.  
Der hebt mit ain wider zorn.  
Er bricht im sin beidiu horn  
Der stier beduirtet einē man.  
Dem aldm werlt wart underan.  
Wie vil ir si v̄nomen e.  
Gots wnder ir ist noch me.  
Im ist nit v̄nmugelich.  
Er machet huir etnen armen rēch.  
Er ermet morgen rēchen man.  
Also et es alles fügen kan.  
**T**u din person warer got  
von dms gewaltēs gebot.  
Lebet ictlich dīch in siner aht.  
Duch hat dī goetlich maht.

**V**ns cristen trostes vil geben.  
Do von wir offentlich leben.  
Wer dinem gobot volgen wil.  
Der mag verdienen vroud vil.  
Suzer got der meyde sun.  
Waz wir gen dir sünden tun.  
Da hilf vns nach diner barmde von.  
Ich man dich taragramaton.  
Also du herre were genant.  
E du mensche wrde er kant.  
**W**in si dich kreftig merket  
Dine gelouben daz sere stercket.  
Der walt kan wol lauben.  
Des kanstu in ouch berauben.  
Du gibst der erden sulche frucht.  
Do von wir alle haben genuht.  
Vnd alles daz inder wēlte lebt.  
von dimer chraft v̄ wazzer sucht  
Eben dal vnd berg.  
Daz bringet dī goetlich weig.  
Der mane der nacht helke giht.  
Dit sternen man gezieret siht.  
Des himelriches firmament.  
do zu di vier element.  
Alle zu dinem gebot sint.  
Du mensch du ar du lewe du rint  
der dak mit der sinnen schin  
Bringet von der helke dīn.  
Daz der werlt ist ge mein.  
Du suzer got allein.  
Aller dinge ein vnder bint.  
Du selbes vater dī selbes kint.  
Du ouch heiliger geist.  
aller gute volleit.  
Also dī ware trinitat.  
sich warer got gesamment hat  
Nach helke ihesus dū genennet bist.  
von dimer demut heist tu crist.  
Dit sich niht gelicher.  
von dir himel vñ erde ist gericher.  
Waz von den zweim ist bedecket.  
Din gotheit daz hat volrecket.  
Waz in dem wage fluzet.  
Din haht daz ir besluzet.